

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 18 (1922)

Artikel: Poesias

Autor: Giger, Augustin

DOI: <https://doi.org/10.5169/seals-882169>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 25.07.2025

ETH-Bibliothek Zürich, E-Periodica, <https://www.e-periodica.ch>



POESIAS

da
AUGUSTIN GIGER.

Nossadunna de Mustér.

A Mustér sin verda prada
Han sogn Sigisbert, sogn Placi
Regalau alla Surselva
In nunsupertabel scazi.

Gl' ei Tiu niebel sanctuari,
Sontga Mumma benedida,
Nua che Ti has tiel Segner
Quasi tutpussent' urbida.

Tredisch tschentaners raquentan
Da tempistas, fiug e spada,
Che savens cun vehemenza
Han strembliu tut la vallada.

Mo Tiu maun, o Celestiala,
Fermis sco in' entir' armada
Ha terrau tuts adversaris,
Conservau cas' e contrada.

Ils affons della Surselva
Pelegrinan cun premura
En legria, en tristezia
A Mustér, tier lur Signura.

Tgi less bein dumbrar las larmas,
Che la Mumma leu schigenta,
Tgi descriver la letezia,
Ch' igl affon beinduras senta!

E sch' il Sursilvan banduna
 Sia patria spir bellezia,
 A Mustér el aunc salida
 Sia Mumma de carezia.

Era lunsch en tiara jastra
 El Maria buc emblida;
 Bein savens siu cor suspira:
 Mumma de Mustér, o gida!

La pun romana.

Veglia pun leu sut Curaglia
 Sur il ramuront Rein miez,
 Ferm tsehentada sin grepaglia,
 Audas ti gia il tuchiez
 Della petschna val montana,
 Vesas ses robusts affons
 Duamelli onns.

Sche raquenta contas gadas
 Gia passavan sur tei vi
 Retgs e prencis cun roschadas
 Arrivond dal cauld miezdi;
 Han giu ella blaua buola
 La carpeglia seglentau
 Cun lur pass marcau.

Plaida dellas nauschas lutgas
 Dils Romans cun ils vegls Rets,
 Co quels suenter liungas trutgas,
 Garmaschia en Iur pèz
 Rumpan en la veglia Cuera
 Per finalmein setschentar,
 L'evla si plontar.

Tschontscha era dell' armada
 Dils rabiai selvadis Huns!

La bargada maluardada,
 Che stinglava nos babuns;
 Co els han berschau la claustra,
 Arsentau e sblundergiau
 Casa e clavau.

Co egl onn, nu' ch' ins quintava
 Ual novtschiensissontatschun
 Il gron Otto cavalcava
 Tras tiu stretg carpus stradun,
 Desertina salidava
 Returnond dal tur talian
 Sil sulom german.

Seregorda cun legria
 Digl ambassadur de Diu,
 Ch' ei vegnius per tia via
 En temps burasclus, falliu;
 Gron sogn Carli Borromeus
 La cardientsch' engrazi' a Ti
 Forza la Cadi. —

Buc emblida las lavinas
 Giu da teiss, greppus terren,
 Las cufladas e brentinas,
 Che savens cuvrevan en
 E stremblavan la vallada. —
 Cons han ellas tementau,
 Vibs en neiv satrau!

Viu has ti er' la muria
 Cun la criua tresta sort,
 Quella nausch' epidemia,
 Ch' ha portau a tons la mort, —
 Tut bargeva, tut mureva, —
 Strusch in tozzel ein restai,
 Sils quolms fugentai.

Neve, veglia pun romana,
 Ti savesses raschunar
 Della vanadat mundana,
 Dil fugir dil temps schi car,
 De ventiras e sventiras,
 De honur e de zanur,
 Con bia de dolur!

Uss eis ti sco bandunada;
 Ils carstgauns ded oz il di
 Van ge per la via lada;
 Quei denton di aunc a mi:
 Ein els ventireivels, — megliers —
 Che avon bia dis ed onns
 Nos cars pardavons? — —

Medel.

Leusi en la vallada
 Dil led e giuven Rein
 Ei mia tgina stada,
 Leu viv' jeu legramein.

Scopi, Muraun pertgiran
 Miu car vitget natal,
 E verds uauls respiran
 In' aria sc' in cristal.

En sogn ruaus flurescha
 Quei rar curtin montan;
 El buc aunc disturbescha
 Il fiug e fem mundan.

Cun bialas flurs alpinas
 Ei il curtin ornaus,
 E mellis vuschs carinas
 Resunan or sils praus.

Sch' jeu mondel tras las pradas,
Tut cloma cun vigur:
Al Diu dellas armadas
Sei gloria, laud, honur!

O tgei dolent' unfrenda
Per mei de tei laschar!
Perfin il Rein lamenta,
Ch' el sto tei bandunar. —

—————♦♦♦————